

# JAWAPAN

## Pentaksiran Akhir Tahun SKOR

100

### KERTAS 1 (02 / 1)

#### Bahagian A

- |       |       |       |       |       |
|-------|-------|-------|-------|-------|
| 1. B  | 2. C  | 3. B  | 4. B  | 5. D  |
| 6. B  | 7. A  | 8. A  | 9. A  | 10. C |
| 11. B | 12. C | 13. B | 14. C | 15. D |
| 16. C | 17. A | 18. B | 19. A | 20. D |

#### Bahagian B

- (i) kelinik – klinik  
(ii) sesi – sesi  
(iii) bacteria – bakteria
- (i) insentif – intensif  
(ii) memperluaskan – memperluas
- (i) – orang yang berbudi bahasa dan menjaga tutur katanya akan dipandang mulia  
(ii) – kita hendaklah menjaga tingkah laku dan bertutur dengan sopan  
– kita hendaklah bersedia untuk memberikan bantuan dengan ikhlas  
(iii) – dapat mengeratkan perpaduan dalam kalangan masyarakat majmuk  
– dapat mencerminkan keperibadian seseorang – akan mudah didampingi dan disenangi oleh orang lain  
– sentiasa bersopan santun dalam pertuturan dan tingkah laku  
– budaya berbudi bahasa dapat memajukan industri pelancongan negara – layanan sopan yang diberikan – imej positif kepada pelancong
- (i) **Novel Jalan ke Puncak**  
Watak: Laiman
  - Perwatakan: Berdikari  
Laiman mahu bekerja sendiri tanpa makan gaji dengan mana-mana pihak kerajaan walaupun dia mempunyai kelulusan yang baik dalam pelajaran.
  - Perwatakan: Tabah  
Laiman ialah seorang yang tabah. Contohnya, dia tabah apabila ayahnya sendiri, iaitu Pak Kassim menentang tindakannya untuk bekerja sendiri.
  - Perwatakan: Gigih  
Laiman gigih mengusahakan tanaman tembikai serta penternakan lebah madu, ikan air tawar, dan udang harimau. Berkat kegigihannya, projek yang diusahakannya itu menjadi contoh kepada orang lain.
- (ii) **Novel Meniti Impian**  
Watak: Zahar
  - Perwatakan: Tidak berputus asa  
Walau pun Zahar tidak berjaya untuk melanjutkan pelajaran ke institut pengajian tinggi, namun dia tidak mudah berputus asa. Dia mengambil keputusan untuk melanjutkan pelajarannya dalam bidang

pertukangan di Institut Kemahiran Malaysia yang akhirnya dia berjaya membuka sebuah bengkel perabotnya sendiri.

- Perwatakan: Rajin  
Sejak setahun yang lalu, Zahar bekerja di bengkel Pak Yusuf membuat perabot tempahan penduduk kampung dan jiran-jiran.
- Perwatakan: Rasional  
Walaupun dihina dan dipandang rendah oleh Suhaili, namun Zahar tidak mudah berasa marah sebaliknya berazam untuk menjadi usahawan perabot suatu hari nanti.

#### (iii) Novel Jejak MONPUS

Watak: Zahar

- Perwatakan: Penyayang  
Zahar sangat menyayangi ibunya. Dia sanggup berulang-alik dari rumah ke universiti pada setiap hari kerana tidak mahu ibunya keseorangan di rumah.
- Perwatakan: Bijak  
Dia seorang yang bijak kerana penyelidikannya sering mendapat pengiktirafan. Di samping itu, Zahar juga mendapat anugerah Biasiswa Canselor di Universiti Oxford.
- Perwatakan: Mencintai alam semula jadi  
Zahar mempunyai makmal sendiri untuk memelihara spesies ulat bulu dan rama-rama. Selain itu, dia juga berjaya membuat penemuan dan menghasilkan racun serangga yang diberi nama MONPUS untuk membunuh ulat bulu yang berbahaya yang menyerang penduduk kampung, tanaman, dan binatang ternakan.

#### (iv) Novel Darah Titik di Semantan

Watak: Datuk Bahaman

- Perwatakan: Gigih  
Datuk Bahaman tetap meneruskan perjuangannya menentang penjajah walaupun pihak Inggeris berjaya memaksa sultan untuk mengisytiharkan Datuk Bahaman sebagai penderhaka.
- Perwatakan: Bijak  
Datuk Bahaman bijak mengatur strategi bersama-sama pengikutnya untuk memerangi penjajah Inggeris seperti menyerang rumah pasung Jerantut dan merentangkan rantai besi di sungai untuk menewaskan musuh.
- Perwatakan: Berani  
Datuk Bahaman telah kembali ke Lubuk Terua seorang diri setelah mendapat tahu bahawa pihak Inggeris membakar kampung-kampung di Semantan. Dia telah berjaya membunuh banyak mata-mata Inggeris walaupun seorang diri.

#### Bahagian C

- Penggunaan pelitup mulut dan hidung merupakan langkah yang baik bagi mengelakkan penularan COVID-19. Hal ini demikian kerana, pelitup mulut dan hidung ini dapat menghalang penyebaran virus melalui titisan cecair yang

terhasil daripada percikan air liur ketika bercakap atau batuk. Walau bagaimanapun, rakyat Malaysia harus tahu akan cara-cara untuk membuang pelitup mulut dan hidung itu dengan betul dan selamat. Mula-mula, putuskan tali di bahagian tepi pelitup mulut dan hidung tersebut. Tali ini harus diputuskan supaya pelitup mulut dan hidung ini tidak digunakan semula. Selepas itu, lipat pelitup mulut dan hidung itu ke arah dalam dan ikat gulungan tadi dengan menggunakan tali yang diputuskan itu. Buang gulungan tersebut ke dalam tong sampah yang bertutup. Selepas dibuang, individu yang membuang pelitup mulut dan hidung itu perlu membersihkan tangan menggunakan pensanitasi atau sabun.

2. Penggunaan antibiotik amat berkesan untuk merawat penyakit yang disebabkan oleh kuman. Antibiotik mampu mengawal penyakit dan menyelamatkan nyawa pesakit. Antibiotik penting untuk menyembuhkan penyakit yang dihidapi kanak-kanak. Walau bagaimanapun, antibiotik tidak berkesan terhadap jangkitan virus, seperti demam biasa, selesema, dan cirit-birit. Dalam pada itu, penggunaan antibiotik yang sempurna dan tepat dapat menghapuskan bakteria secara lengkap. Hal ini dapat mengelakkan jangkitan daripada berulang. Pastikan antibiotik diambil secara lengkap seperti yang diarahkan oleh doktor biarpun penyakit seseorang itu bertambah baik. Penggunaan antibiotik masih ada kesan sampingannya namun tidak membahayakan.

## KERTAS 2 (02 / 2)

### Bahagian A

Sektor pelancongan merupakan sumber pendapatan negara yang penting. Namun begitu, pandemik COVID-19 yang melanda dunia ini telah menjejaskan industri pelancongan negara. Oleh itu, semua pihak haruslah mengatur langkah yang lebih proaktif dan pragmatik untuk memastikan industri pelancongan negara terus rancak.

Antara langkah-langkah yang pragmatik yang dapat dipraktikkan untuk memajukan sektor pelancongan di negara kita ialah mengadakan promosi dengan tawaran diskaun 50 hingga 80 peratus bagi pakej penginapan yang disediakan. Di samping itu, pihak kerajaan juga harus menggunakan platform media sosial untuk membuat promosi program-program pelancongan yang dijalankan di seluruh negeri. Pelbagai info lengkap tentang sesuatu destinasi menarik yang terdapat di negara kita, khususnya di tempat-tempat baharu yang dikenal pasti boleh menjadi daya tarikan yang menguntungkan. Dalam pada itu, pusat-pusat pelancongan dan juga kerajaan haruslah menaik taraf fasiliti pelancongan seperti pengangkutan, perhubungan, tempat penginapan, serta rekreasi untuk merangsang pelancongan domestik.

Kesimpulannya, usaha yang holistik dan komitmen daripada semua pihak perlu dijalankan secara sistematik dan tidak hanya melepaskan batuk di tangga.

### Bahagian B

#### 1. Pendahuluan:

pada 20 Mei yang lalu, sekolahku mengadakan Karnival Kokurikulum – tujuan karnival ini adalah untuk membangkitkan semangat murid supaya sentiasa bergiat aktif dalam aktiviti kokurikulum disamping membentuk sahsiah diri dan sentiasa bekerjasama dan bersatu padu – sebagai ahli Persatuan Bahasa Melayu, aku ditugaskan untuk menjaga gerai jualan amal

#### Isi-isi penting:

- (a) saya dan rakan-rakan berkumpul di gerai pada pukul 7.00 pagi – suasana riuh-rendah di padang sekolah – kibaran bendera yang berwarna-warni – aku dan rakan-rakan menyusun barang jualan kami – pelbagai barangan terpakai seperti pakaian, barang perhiasan, buku-buku dan lain-lain peralatan ada dijual digerei kami
- (b) sambil menyusun barangan jualan – kami mendengar ucapan perasmian oleh pengetua sekolah – semasa aktiviti senam robik dijalankan – suasana di padang ketika itu sungguh meriah
- (c) pada pukul 9.00 pagi, gerai kami mula menjadi tumpuan – buku-buku dan barangan perhiasan menjadi rebutan murid-murid – murid-murid perempuan rambang mata apabila melihat barangan perhiasan yang cantik-cantik
- (d) semasa rehat, aku ke dewan sekolah untuk menyaksikan pertandingan foto kreatif – terpegun oleh aku apabila melihat foto-foto yang dipertandingkan – sangat cantik dan kreatif sekali – seperti diabadikan oleh jurufoto yang profesional – aku melihat beberapa orang guru sedang menilai foto-foto yang dipertandingkan

#### Penutup:

pada pukul 1.00 tengah hari, barang-barang jualan kami habis dijual – aku dan rakan-rakanku pun mengemas tapak jualan – mengutip sampah dan menyapu sampah – jumlah kutipan dana yang kami peroleh telah melebihi sasaran

#### 2. Pendahuluan:

sekolah merupakan satu institusi penting – mendidik murid – untuk mempelajari mata pelajaran akademik – diwajibkan menyertai aktiviti kokurikulum – banyak kebaikan

#### Isi-isi penting:

- (a) mendidik murid menggunakan masa senggang secara berfaedah – tidak mempunyai masa untuk melepak dan terlibat dalam gejala negatif – menghargai masa
- (b) persatuan dan kelab menjalankan pelbagai aktiviti – menambahkan pengetahuan dan pengalaman – membantu murid melengkapkan diri dengan pelbagai ilmu pengetahuan – cemerlang dalam pelajaran
- (c) melalui aktiviti kokurikulum dapat merapatkan hubungan antara murid – menanam sikap bekerjasama dan saling membantu – hormat-menghormati – asas penting bagi mengeratkan perpaduan dalam kalangan generasi muda
- (d) dapat melahirkan generasi yang berakhlak, berdisiplin, menepati masa, berpakaian kemas, dan mentaati pemimpin – generasi yang berakhlak dan berdisiplin penting – meneraju negara pada masa akan datang

#### Penutup:

penglibatan dalam aktiviti kokurikulum – membentuk jati diri murid – menjadikan murid sebagai modal insan yang dapat memberikan sumbangan kepada masyarakat dan negara

#### 3. Pendahuluan

tajuk laporan – Karnival Kokurikulum diadakan di padang sekolah – pada 20 Mei 2020 – bermula pada pukul 8.00 pagi dan berakhir pada pukul 2.00 petang – tujuan karnival – membangkitkan semangat murid-murid supaya sentiasa bergiat aktif dalam aktiviti kokurikulum disamping membentuk sahsiah diri dan sentiasa bekerjasama dan bersatu padu

#### Isi-isi penting:

- (a) karnival dimulakan dengan ucapan alu-aluan oleh pengetua sekolah – merasmikan karnival – selepas

- perasmian – acara senam robik diadakan – mendapat sambutan hangat daripada guru-guru dan murid-murid
- (b) pertandingan kawad kaki antara unit beruniform diadakan – merupakan salah satu aktiviti asas dalam unit-unit beruniform seperti Pengakap, Bulan Sabit Merah Malaysia, Pandu Puteri, Puteri Islam, Kadet Remaja Sekolah, Kadet Bomba, dan Kor Kadet Polis – menambahkan pengetahuan asas tentang kemahiran kawad kaki – para peserta boleh mengaplikasikan kemahiran dalam satu-satu pasukan untuk memenangi pertandingan yang diadakan
  - (c) pertandingan foto kreatif turut diadakan – mendapat sambutan yang hangat – bertemakan alam sekitar –

peserta perlu menghantar penyertaan mereka kepada pihak penganjur bersama dengan borang penyertaan mereka

- (d) jualan amal juga diadakan – pelbagai barangan terpakai seperti pakaian, barang perhiasan, buku-buku, dan lain-lain peralatan telah dijual pada harga serendah RM2 – makanan dan minuman turut dijual – semua keuntungan yang diperoleh akan diagihkan kepada murid-murid yang memerlukan bantuan

**Penutup:**

karnival ini telah mencapai kejayaan – mendapat kerjasama yang baik daripada pihak penganjur – diharap aktiviti ini dapat dijayakan lagi pada masa hadapan